

李文忠公全書

海軍函稿

卷二

李父忠公
海軍函稿
四卷

汝綸署



李文忠公海軍函稿

卷之一目錄

商定疏稿親驗鐵艦

光緒十一年十月初八日

報驗濟遠兼陳軍艦避凍

光緒十一年十月二十五日

覆陳海軍規模籌辦船塢

光緒十一年十一月二十九日

北洋海防月支各款摺

附

北洋水師用款大數摺

附

北洋工程及軍火找價摺

附

覆議東三省兵械

光緒十一年十一月二十九日

籌議海軍經費

光緒十一年十二月十七日

請撥海軍的餉

光緒十一年十二月十七日

籌議餉源兼論陽工

光緒十二年正月初八日

豫籌領餉酌定各省解數

光緒十二年正月十八日

論旅順布置

光緒十二年正月十八日

申明局存實數請撥隄工專款

光緒十二年二月初六日

議劃扣專款並閱操日期

光緒十二年三月二十四日

內提要款請指撥解還

光緒十二年五月二十四日

籌款竭蹶請展捐限

光緒十二年五月二十九日

籌議膠澳

光緒十二年六月十五日

劉含芳查勘膠州灣條陳

附

琅威理布置膠澳說帖

附

議覆朱一新條陳

光緒十二年六月十五日

議購大魚雷

光緒十二年六月十五日

請醇邸主持海軍

光緒十二年六月十五日

醇邸來函

附

論懿旨訓政兼述外情

光緒十二年六月二十七日

李文忠公海軍函稿卷一

全集四之一

桐城吳汝綸編錄

商定疏稿親驗鐵艦

光緒十一年十月初八日

都門小憩屢接光儀教誨飲食感不去心別後時深依戀祇以案牘塵勞尙稽修謝頃奉賜械敬審勲福兼崇謨猷康濟至慰頌忱承示海軍疏稿仰見碩畫周詳變通盡利欽佩莫名惟長江水師向係分駐江蘇安徽湖北湖南四省與閩浙不相干涉謹就原稿更正數字奉繳伏祈鑒定繕奏是幸來示以天氣嚴寒令勿親往旅順具徵摯愛逾恆尤深紉感惟鐵艦事關重大必須親自驗試方可放心擬俟萬壽節後再行出洋駛驗朔風甫勁孱軀尙能耐寒知關愛注並以附陳

報驗濟遠兼陳軍艦避凍

光緒十一年十月二十五日

濟遠快船經鴻章出洋駛驗知舒文王詠霓等所指各弊未盡確
實華員雖有指摘各國弁兵尙未聞有訾議仍應由殿下隨時體
察情形酌辦謹將原稿奉繳卽請繕正呈遞是幸北洋凍封以後
鐵快等艦機器精巧實虞凍損已飭統領丁汝昌督帶南下至廈
門澎湖洋面一帶溫和之處認真操練俟春融再行北嚮恭候親
臨驗閱昨已於驗收摺內聲明矣

覆陳海軍規模籌辦船塢

光緒十一年十一月二十九日

承示北洋先練水師一枝將領弁兵其須若干名船須幾艘薪水
及煤油等費統計每月共需經費若干酌定寄覆以便先事預籌
款項等因查北洋現有船隻惟定遠鎮遠鐵甲二艘最稱精美價
值亦鉅濟遠雖有穹甲及礮臺甲船身較小尙不得爲鐵甲船祇

可作鋼快船之用此外則有昔在英廠訂造之超勇揚威兩快船船身更小而礮巨機巧可備巡防至康濟威遠等木船專作練船海鏡僅可裝運兵丁以上三隻皆閩廠所造舊式也鎮北等蚊船僅可守口不便在大洋備戰今欲先練成一枝目前祇有定遠鎮遠濟遠超勇揚威五艘可備洋面戰守猶嫌力單鴻章前在京時面陳俟英德續購四船到後應歸併操練合成九艘氣勢較厚將來餉力稍充須添購淺水鋼快船三艘魚雷小艇五六隻合之原有鐵艦雷艇庶可自成一軍矣北洋水師一切用款向皆在各省關歲撥經費內核實開支斷不敢稍有浪費從前戶部撥定北洋經費號稱二百萬兩近年停解者多歲僅收五六十萬自去歲法事起報撥更稀而待支甚急不得已奏留海防捐項濟用以救然眉殊非常策鴻章正深焦慮頃准部咨將南北洋海防經費奏准

撥歸海軍衙門作爲常年餉需以後北洋用項自應請由鈞署豫期照數撥交免致臨時掣肘貽誤感禱曷任惟欽奉

懿旨先從北洋精練水師一枝以爲之倡責令鴻章專司其事又奉鈞諭一切規模必須預籌盡善敢不詳慎勉圖茲督飭局員查照現在支款開具清摺三扣恭呈鑒核所有將領弁兵員役薪糧數目練船學堂船塢製造采購煤費修費及應辦工程各項條分縷晰鉅細畢呈內如船塢一項爲水師根本必不可省之工凡各國有鐵艦快船者皆必先立水師口岸先修大石塢鴻章前於籌議海防事宜摺內詳細奏明而赫德續旁觀論所擬水師節略竟未提及其他不詳不確之處尙多蓋水師爲西國專門之學非躬親其事者不能盡悉彼但精稅務而於治兵實門外漢也前在英廠購到蚊船數隻均係鋼片鑲做歲須兩修蚊船喫水僅八尺故

先在大沽建隄修理出入較便此隄木底無石爲費頗省嗣購到超勇揚威喫水十五尺不能進大沽每年赴上海洋商船隄修理已形不便今又添定遠鎮遠濟遠喫水至二十尺十六尺不但沽口不得入卽滬口閘口皆不得入中國無可修之隄非借英之香港大石隄日本之長崎大石隄不能修理鐵船易積海蠹或偶損壞無隄可修便成廢物此爲至要至急之舉鴻章今年始聘到德國監工名善威者相度旅順口內地基堪以創建船池石隄其口門有導海機器挖沙船隨時濬深鐵艦可入內停泊修洗估計隄廠庫房各工照西國水師口岸辦法約需銀百三十萬兩限三年竣工此後南北洋無論再添鐵快艦若干皆可就旅隄修理不致爲英日所竊笑有警時亦不受制於人其餘別項建置爲費尙輕務祈殿下主持而助成之則水師根基固而規模自遠非見小欲

速者所及知也

北洋海防月支各款摺

附

一定遠鐵艦共計官弁水手人等三百三十一員名月支薪糧公費銀五千七百十一兩

一鎮遠鐵艦共計官弁水手人等三百三十一員名月支薪糧公費銀五千七百十一兩

一濟遠鐵艦共計官弁水手人等一百九十四員名月支薪糧公費銀三千八百八十九兩

一定鎮濟三艦洋員四十三名月支薪餉銀六千零零八兩

一超勇船共計官兵人等一百四十員名月支薪公銀二千八百二十二兩

一揚威船共計官兵人等一百三十九員名月支薪公銀二千六

百七十二兩

一康濟船共計官兵人等一百三十七員名月支薪公銀二千零五十九兩

一威遠船共計官兵人等一百十七員名月支薪餉銀一千九百零九兩

一練船水勇二百名月支薪餉銀九百五十兩

一鎮北蚊船共計官兵人等五十五員名月支薪餉銀九百七十八兩

一鎮南蚊船共計官兵人等五十四員名月支薪餉銀九百六十八兩

一鎮東蚊船共計官兵人等五十五員名月支薪餉銀九百七十八兩

一鎮西蚊船其計官兵人等五十四員名月支薪餉銀九百六十兩

一鎮中蚊船其計官兵人等五十五員名月支薪餉銀九百七十八兩

一鎮邊蚊船其計官兵人等五十四員名月支薪餉銀九百六十兩

一水師屯船其計官兵人等十四員名月支薪餉銀二百六十八兩

一海鏡輪船其計官兵人等五十九員名月支薪餉銀一千二百四十六兩

一飛霆小輪船其計管駕水手人等十八員名月支薪餉銀二百零九兩

一快馬小輪船其計管駕水手人等二十五員名月支薪餉銀三百八十二兩

一桿雷小輪船其計管駕水手人等七員名月支薪餉銀七十六兩

一巡雷淺水小輪船其計管舵人等四名月支薪餉銀四十四兩
一守雷小輪船其計管駕水手人等十六員名月支薪餉銀二百零九兩

一下雷小輪船其計管駕水手人等十六員名月支薪餉銀二百零九兩

一左隊一號魚雷艇其計官兵人等三十二員名月支薪餉銀四百九十一兩

一左隊二號魚雷艇其計官兵人等三十二員名月支薪餉銀四

海軍面稱
百九十一兩

一右隊一號魚雷艇其計官兵人等三十二員名月支薪餉銀四百九十一兩

一右隊二號魚雷艇其計官兵人等十五員名月支薪餉銀二百兩

一右隊三號魚雷艇其計官兵人等十五員名月支薪餉銀二百兩

一旅順魚雷營其計官兵人等九十一員名月支薪餉銀九百八十九兩九錢

一大沽水雷營其計官兵人等二百二十九員名月支薪餉銀一千三百十七兩五錢四分四釐

一北塘水雷營其計官兵人等一百二十八員名月支薪餉銀七

百十六兩七錢九分二釐

一山海關水雷營其計官兵人等一百零八員名月支薪餉公費銀六百十九兩一錢一分四釐

一旅順水雷營其計官兵人等一百三十三員名月支薪餉柴草銀七百三十三兩九錢四分六釐

一水師統領隨帶文武員弁學生人等五十二員名月支薪餉銀一千三百六十七兩一錢

一旅順工程局遣用利順小輪船管駕人等二十員名月支薪餉銀二百七十一兩九錢

一導海挖泥機器船管帶華洋匠役人等並挖海接泥船八號管帶匠工水手人等共一百六十四員名月支薪餉銀一千七百八十五兩四錢

一威遠練船學生並差役人等共三十六員名月支薪餉銀四百九十八兩

一大沽旅順威海軍械藥彈等庫並煤廠機器廠魚雷廠委員司事夫役工匠藝徒弁勇人等共九十九員名月支薪糧銀八百十五兩二錢

一旅順工程局委員司事差弁親兵長夫雜役人等共一百七十五員名月支薪餉銀一千一百五十八兩九錢

一辦理旅順船塢臺工程並各學堂教習洋員九員月支薪飯馬乾等銀二千一百四十九兩

一雇用教習德國兵官十九員繙譯三員月支薪飯等銀四千七百七兩五錢八分四釐三毫

一直隸提督差遣官弁並護衛馬小隊親兵人等一百五員名月